

PRÒVA ORAU B1-VIELHA

Airau 5. Expression orau- Temps previst: 10-15 minutes

1. **Observatz** es fotografies. **Descriuetz** çò que i vedetz.
2. **Liegetz** eth tèxte en votz nauta.
3. **Explicatz** çò que ditz eth **tèxte** en tot reproduir tamb es vòstes pròpies paraules, es idees principaus deth tèxte.
4. **Exprimitz** eth vòste **vejaire** sus eth tèma e eth contengut deth tèxte.
5. **Explicatz** bèra experiéncia, pròpria o de d'auti, o quauque hèt que coneishatz, restacat tamb eth contengut deth tèxte.
6. Entà acabar, er examinador pòt hèr-vos bèra qüestion restacada tamb er article, lexic e/o eth tèma.

ORA NAUA

Dimenge vint-e-sèt d'octobre i auec cambi d'ora enes relòtges.

Era net de dissabte dromírem ua ora mès, e londeman eth solei gessec e se coguèc ua ora abans. Aguest ei er orari qu'auérem enquiara darrèra dimenjada de març. D'aguesta manèra, profitèrem milhor es ores de lum, mès cada còp i a mès gent que critique aguest cambi d'ora dus còps per an.

Diden que non ei demostrat qu'estauviem lum, ne que trabalhem o estudiem milhor peth hèt de cambiar era ora. Per contra, pendent dies, auem era hame e eth sòn alteradi e, en generau, era gent se trape de mala encolia o a mau de cap.

Per aguesti e d'auti motius, era Union Europèa, atau coma es diferenti estats que la formen, estudien era possibilitat de non aplicar mès aguest cambi. Eth problèma, totun, ei quin ei er orari mès desirable, eth d'ostiu o eth d'iuèrn? Er un o er aute an auantatges e inconvenients, e calerà qu'es expèrts analisen quin mos beneficiarà mès. Semble qu'açò encara tardarà quauqui ans en hèr-se realitat. Per exemple, er orari d'ostiu comportarie que, en iuèrn, tàs nau deth maitin encara siguesse escur.

